

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12460/25
Sarajevo, 16.6.2025. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda ponuđača „Mibral“ d.o.o. Sarajevo sa ponudenom cijenom za ugovor u iznosu od 8.000,00 KM bez PDV-a, odnosno 9.360,00 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na uređenju šetališta i Trga Bulevar branilaca Dobrinje sa pratećim saobraćajnicama i parking prostorima – faza šetnica (po osnovnom Ugovoru br. 2 - 02/12-19-9298/24).“

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove je aktom br. 02/08-19-16996 Č.E. od 15.5.2025. godine podnijela zahtjev za pokretanje procedure pregovaračkog postupka za izvođenje dodatnih radova na uređenju šetališta i Trga Bulevar branilaca Dobrinje sa pratećim saobraćajnicama i parking prostorima – faza šetnica (po osnovnom ugovoru br.2 - 02/12-19-9298/24), a jer je stručno-tehnički nadzor „Radis“ d.o.o. Istočno Sarajevo dostavio akt broj NA-08-01/24 od 20.01.2024. godine u kojem konstatuje da se tokom realizacije predmetnog ugovora ukazala potreba za izvođenjem opravdanih dodatnih radova koji su neodvojivo vezani za uspješnu realizaciju ugovora u tehničkom smislu da bi objekat bio funkcionalan, a sve u vezi sa aktom KJKP „Vodovod i kanalizacija“ d.o.o. Sarajevo broj 30-31-10084/24 jer je ustanovljeno da se na trasi šetnice nalazi vodovodni šaht sa izdignutim betonskim poklopcem koji predstavlja prepreku po sigurnost prolaznika, te je shodno tome nužno izvođenje radova nivelacije šahta na način da se betonska ploča na istom spusti za 15 cm i da se matalni poklopci zarotiraju i postave u zelenu površinu.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-12460/25 od 23.5.2025. godine – „Izvođenje dodatnih radova na uređenju šetališta i Trga Bulevar branilaca Dobrinje sa pratećim saobraćajnicama i parking prostorima – faza šetnica (po osnovnom Ugovoru br. 2 - 02/12-19-9298/24)“ - pregovarački postupak bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-12460/25 od 26.5.2025. godine ponuđaču „Mibral“ d.o.o. Sarajevo.

Zapisnikom o otvaranju ponuda od 02.6.2025. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Mibral“ d.o.o. Sarajevo.

Komisija je izvršila analizu dostavljene inicijalne ponude i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja, dana 04.6.2025. godine stručna tehnička lica Komisije su pregovarala sa predstavnikom grupe ponuđača o mogućnosti smanjenja cijene ponude, te je Komisija pozvala ponuđača na mogućnost davanja popusta na ponudu, a izvođač je naveo da su cijene tržišne i da je riječ o složenim radovima kod kojih postoji mogućnost pucanja elemenata šahta.

Ponuđač je u ostavljenom roku putem protokola dostavio konačnu ponudu br. 39d-1.6.2-06/25 od 05.6.2025. godine sa ponudnom cijenom za ugovor u iznosu od 8.000,00 KM bez PDV-a, odnosno 9.360,00 KM sa PDV-om. Komisija je izvršila računsku kontrolu ponude i konstatovala da nije bilo računске greške. Nadalje, stručna tehnička lica Komisije su izvršila uvid u osnovni ugovor zaključen sa ponuđačem, te ugovore koji za predmet imaju slične radove, kao i mišljenje stručno tehničkog nadzora, te su stručna tehnička lica Komisije mišljenjem broj 02/12-19-12460/25 od 12.6.2025. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama, pa je shodno navedenom data preporuka za zaključenje ugovora sa ponuđačem „Mibral“ d.o.o. Sarajevo.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

